



Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq Olga P. Berthelsen
Kalaallit Nunaanni Inatsisartut

Nuummi Qapiarfiusaami inissianik iluarsaassinissaq

Asasara Olga P. Berthelsen

30.10.2008

Aallarniutigalugu apeqquteqaateqarnermut, ilaatigut siusinnerusukkut akissuteqaatinnik itisiliinissamut periarfissiisumut qutsavigissavakkit.

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Apeqqu 1. Radiop Qaqqaaani inissiarsuit nutarterneqarlutik aallartinneqassagaluarpata, inissianik attartortut sumut allamut inissinneqassanersut siusinaarluni misissorneqareerpa?

Akissut: Naamik. Suliassaq taanna suliassap tamarmiusup pilersaarusiordernanut ilaavoq. Ukiunili marlunni kingullerni Qapiarfiusaami igaffinnik uffarfinnillu iluarsaassinermut atatillugu misileraasoqarsimavoq.

Apeqqu 2. Apeqqummut 4-mut aamma tunngatillugu akissutersi naammangitsutut isigaara. Apeqqutigaara Nuummi qanoq pilersaaruteqarnerusi? Qinnuigissavassi aamma apeqqu nr. 4 (2008-90)-toq erseqqissumik akeqqullugu.

Akissut: Aqutsisoqarfiup ineqarnermut suliassaqarfimmik isumaginnittuusup Namminersornerullutik Oqartussat sinnerlugit Nuup Kommunea suleqatigalugu Nuummi illoqarfiup tamarmiusup nutarterneqarnissaa misissuiffigaa. Suleqatigiissitap ataatsimiinnerani kingullermi Blok P-p aamma Tuujuup nutarterneqarnissaa illoqarfimmi nutarterinissami tamarmiusumi ataatsimoortutut isigineqassasoq isumaqatigiissutigineqarpoq. Taamatuttaaq Qapiarfiusaami iluarsaassinissaq, taamatullu isaterinissaq nutaanillu sanaartornissaq suliassatut ataatsimoortutut isigineqassasoq suleqatigiissitap isumaqatigiissutigaa. Taakku saniatigut Narsarsuarmi blokkit 1-imiit 4-imut sammineqarput.

Apeqqu 3. Innuttaasut akissaatikinnerusut piginneqatigiilluni inissiaateqalersinnaanissaannut tunngatillugu, inissialiortitsinermi tapeeriaatsit eqqarsaatigalugit qanoq aqqutissiuussisinnaavisi? Takorloorneqarsinnaanngila nutarterinissamut aningaasarpasuit atorussatut inissinneqarsimasut, arlaatigut aaqquissuussiffigalugit, inissianik tigusinermi tapiissutitut aaqquivigineqarsinnaaneri?

Akissut: Piginneqatigiilluni inissiat pillugit Inatsisartut peqqussutaata nr. 2-p, 16. maj 2008-meersup Inatsisartunit akuerineqarneratigut pisortat piginneqatigiilluni inissianik pigisaqalersinnaanerinit attartortitsisoqarsinnaanerinullu tunngavissiisoqarpoq. § 29, imm. 1 tunngavigalugu Namminersornerullutik Oqartussat kommuniluunniit sanaartukkap tunniunneqarnerata kingorna piginneqataaginnarsinnaalerput.

§ 29. Namminersornerullutik Oqartussat aamma kommuni tamarmik immikkut piginneqatigiilluni inissiaatillit peqatigiiffianut tunniussinissaq siunertaralugu inissialortitersinnaapput, taakkunungalu ilaapput piginneqatigiilluni inissiaatillit peqatigiiffii Namminersornerullutik Oqartussat imaluunniit kommunip kisimiillutik piginneqataaffigisaat. Kapitali 3 taamatutaaq atorpeqassaaq, tassanili § 24, imm. 3 atorpeqassanngilaq.

Tassalu tunngaviatigut inissiat piginneqatigiilluni inissiaatitit ingerlanneqassapput, kisiannili Namminersornerullutik Oqartussat imaluunniit assersuutigalugu Kommuneqarfik Sermersooq kisimiillutik piginneqataasutut inissianik attartortitsinnaapput. Ineqarnermut akiliut inissianik attartortitsisarnermut Inatsisartut peqqussutaanni maleruagassat malillugit aalajangersarneqartartussaasoq, piginneqatigiilluni inissiat pillugit peqqussummi § 24, imm. 2-mi allassimavoq.

Inissiamik attartortitsinerup nalaani ineqarnermut akiliut maanna inissiani pisortanit pigineqartuni attartornerup annertoqatigisinnaavaa. Namminersornerullutik Oqartussat kommuniluunniit piginneqatigiilluni inissianik attartortitsineranni attartortut maleruagassat atuuttut malillugit ineqarnermut tapiiffigineqarsinnaassapput.

Kisiannili tassani piginneqatigiilluni inissiamut akiusup allanngorarnissaanut piginneqataalersussat pigissaartuunerat pissakinneralluunniit tunngavigineqarsinnaanngilaq. Kiisalu piginneqataassagaanni aningaasaqarnerup patajaatsuunissaa pisariaqarpoq, piginneqataasut ineqarnermut tapiiffigineqarnissamut pisinnaatitaanngimmata.

Apeqqu 4. Maannamut 10/40/50 atorlugu inissiat sananeqartut aningaasartaat qanoq annertutigippat?

Akissut: 2003-miit maannamut 317 mio. koruuningajaat atorpeqarsimapput, aammalu inissiat 1.111-t sananeqarnissaanut aningaasaleeqataanissamik neriorsuisoqarsimalluni. Inissiat taakku amerlanersaat sananeqareerput. Inissiat sananeqartut neriorsuutitut allakkiap suliarineqarnerata kingorna ukiut marluk qaangiutsinnagit aallartinneqarsimasussaapput, kiisalu ukiut pingasut qaangiutsinnagit naammassineqarsimasussaallutik atorpeqalersimasussaallutillu. Tamanna pinngippat neriorsuut siumut nalunaarutitaqanngitsumik atorunnaarsinneqassaaq.

Ikinngutinnersumik inuulluaqqusillunga

Kim Kielsen